



XALQ DEPUTATLARI KATTAQO'RG'ON SHAHAR KENGASHI QARORI

2022 - yil 29 - aprel

VI-56-87-7-106-K/22

Kattaqo'rg'on shahar hokimligi

Xotin-qizlarning jamiyatdagi rolini oshirish, gender tenglik va oila masalalari bo'yicha shahar komissiyasi faoliyatini samarali tashkil etish to'g'risida

Shaharda xotin-qizlarning jamiyatdagi rolini oshirish hamda O'zbekiston Respublikasi Oliy Majlisi Senatining 2022-yil 27-apreldagi 01-22/2-12/966-son xati ijrosini ta'minlash maqsadida xalq deputatlari shahar Kengashining oltinchi chaqiriq ellik oltinchi sessiyasi

QAROR QILADI:

1. Quyidagilar:

Xalq deputatlari Kattaqo'rg'on shahar Kengashi huzuridagi Xotin-qizlarning jamiyatdagi rolini oshirish, gender tenglik va oila masalalari bo'yicha komissiya to'g'risidagi nizom 1-ilovaga muvofiq;

Xalq deputatlari Kattaqo'rg'on shahar Kengashi huzuridagi Xotin-qizlarning jamiyatdagi rolini oshirish, gender tenglik va oila masalalari bo'yicha komissiyaning tarkibi 2-ilovaga muvofiq tasdiqlansin.

2. Ushbu Qaror qabul qilingan kundan e'tiboran kuchga kiradi.

Kengash raisi



G. Alimova

Xalq deputatlari Kattaqo'rg'on
shahar Kengashining
2022 yil 29 apreldagi
VI-56-87-7-106-K/22-son qaroriga
1-ilova

**Xalq deputatlari Kattaqo'rg'on shahar Kengashi huzuridagi Xotin-
qizlarning jamiyatdagi rolini oshirish, gender tenglik va oila masalalari
bo'yicha komissiya to'g'risida
NIZOM**

1-bob. Umumiy qoidalar

1. Mazkur Nizom Xalq deputatlari Kattaqo'rg'on shahar Kengashi huzuridagi Xotin-qizlarning jamiyatdagi rolini oshirish, gender tenglik va oila masalalari bo'yicha komissiyaning (bundan buyon matnda Komissiya deb yuritiladi) asosiy vazifalari, huquqlari va majburiyatlari, shuningdek faoliyatini tashkil etish tartibini belgilaydi.
2. Komissiya a'zolari o'z faoliyatini jamoatchilik asosida amalga oshiradilar.
3. Komissiya o'z faoliyatida O'zbekiston Respublikasining Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, O'zbekiston Respublikasi Vazirlar Mahkamasining qarorlari va farmoyishlariga, O'zbekiston Respublikasi Xotin-qizlarning jamiyatdagi rolini oshirish, gender tenglik va oila masalalari bo'yicha Ryespublika komissiyasi qarorlari, mazkur Nizomga va boshqa qonun hujjatlariga amal qiladi.

2-bob. Komissiyaning asosiy vazifalari, huquqlari va majburiyatlari

4. Komissiyaning asosiy vazifalari quyidagilar hisoblanadi:
 - xotin-qizlarni qo'llab-quvvatlash va oila institutini mustahkamlash bo'yicha davlat siyosatini amalga oshirishda ishtirok etish;
 - xotin-qizlarning huquq va qonuniy manfaatlarini himoya qilish, gender tenglik va oilani qo'llab-quvvatlash bo'yicha qonunchilik hujjatlari ijrosi ustidan tizimli nazoratni amalga oshirish hamda monitoring qilish;
 - davlat boshqaruvida xotin-qizlar faolligini oshirish, mahalliy davlat boshqaruvi organlari xodimlari orasida xotin-qizlarning ulushini oshirish,

rahbarlik lavozimlariga shahardagi iqtidorli va faol xotin-qizlar nomzodlarini ilgari surishga ko‘maklashish, tavsiyalar berish;

- mahalliy shart-sharoit va imkoniyatlardan kelib chiqqan xolda, xotin-qizlar, oila, gender tenglik masalalari bo‘yicha hududiy dasturlar, “yo‘l xaritalari” ishlab chiqish hamda amalga oshirishda ishtirok etish;

- xotin-qizlar ijtimoiy-siyosiy faolligini oshirish gyender tenglik va oilaviy qadriyatlarni mustahkamlash sohasida amalga oshirilayotgan islohotlarning mazmun-mohiyatini jamoatchilikka yetkazish.

5. Komissiya quyidagi huquqlarga ega:

- davlat organlari va idoralaridan zarur bo‘lgan axborotlar, statistika va boshqa materiallarni byelgilangan tartibda olish;

- xotin-qizlar, oila, gender tenglik masalalari bo‘yicha joylarda o‘rganishlar, ijtimoiy so‘rovlar o‘tkazish, tadqiqotlar olib borish maqsadida mutaxassislar hamda ekspertlarni jalb etgan holda ishchi guruhlar tuzish;

- o‘zlariga yuklatilgan vazifalarni bajarish uchun konferensiyalar, forumlar, ko‘rik-tanlovlar, aksiyalar, seminarlar, davra suhbatlari va boshqa tadbirlarni o‘tkazish;

- kelib tushgan murojaatlar, ijtimoiy tarmoqlarda e‘lon qilingan masalalar yuzasidan o‘rganishlar olib borish, natijalari bo‘yicha munosabat bildirish;

- o‘z faoliyatini, majlislarda muhokama qilinadigan masalalarni yoritish maqsadida ommaviy axborot vositalari bilan hamkorlik qilish.

Komissiya qonun hujjatlariga muvofiq boshqa huquqlarga ham ega bo‘lishi mumkin.

6. Komissiya o‘z faoliyatini amalga oshirish doirasida quyidagi majburiyatlarga ega:

- qonun hujjatlari hamda mazkur Nizom talablariga rioya etish;

- davlat organlari va idoralaridan olingan axborotning, agar bunday axborotni tarqatish qonun bilan chyeklangan bo‘lsa, maxfiyligiga rioya qilish.

Komissiya o‘z zimmasiga qonun hujjatlarida nazarda tutilgan boshqa

majburiyatlarni ham oladi.

3-bob. Komissiya faoliyatini tashkil etish tartibi

7. Komissiyaga shahar hokimi raislik qiladi.
8. Komissiya raisi:
 - faoliyatga umumiy rahbarlik qiladi;
 - majlislarni chaqiradi va raislik qiladi;
 - ish rejani, majlis bayonnomalari va qarorlarini hamda boshqa hujjatlarni tasdiqlaydi;
 - qarorlar ijrosini nazorat qiladi;
 - Komissiya a'zolarini mahallalarga hamda zimmasiga yuklatilgan vazifalar mazmun-mohiyatidan kelib chiqib tegishli yo'nalishlarga biriktiradi;
 - Komissiya a'zolari zimmasiga yuklatilgan vazifalarning bajarilishini muvofiqlashtiradi;
 - qarorlarni bajarish masalalari yuzasidan mahalliy davlat boshqaruvi organlari, jamoat tashkilotlari, fuqarolarning o'zini o'zi boshqarish organlari va boshqa tashkilotlar bilan hamkorlik qiladi;
 - Komissiyaning samarali faoliyat olib borishi uchun boshqa vakolatlarni amalga oshiradi.
9. Komissiya raisi o'rnida bo'lmagan taqdirda, uning o'rinbosari vazifasini bajaradi.
10. Komissiya raisining o'rinbosari:
 - rais yo'qligida Komissiya majlislarida raislik qiladi;
 - Komissiya qarorlarining ijrosini nazorat qilish bo'yicha ishlarni tashkil etadi;
 - fuqarolarni va yuridik shaxslarning vakillarini qabul qiladi, shuningdek Komissiya faoliyatiga taalluqli murojaatlarni ko'rib chiqish bo'yicha ishlarni tashkil etadi;
 - Komissiyaning samarali ishlashini ta'minlash bo'yicha boshqa

vakolatlarni amalga oshiradi.

11. Komissiyaning kotibi:

- Komissiyaning faoliyatini uslubiy, tashkiliy-huquqiy va tashkiliy-texnik jihatdan ta'minlash masalalarini hal qiladi;

- Komissiya majlisi kun tartibiga kiritilgan masalalar bo'yicha barcha zarur materiallar o'z vaqtida tayyorlanishini ta'minlaydi, shahardagi davlat organlari va idoralaridan zarur hujjatlar va ma'lumotlarni so'rab oladi;

- kun tartibiga muvofiq Komissiya majlislari o'tkazilishini tashkil etadi;

- Komissiyaning tadbirlari o'tkaziladigan sana, joy va taklif etiladigan shaxslar ro'yxatini Komissiya raisi bilan kyelishadi;

- Komissiya a'zolarini va taklif etilgan shaxslarni Komissiya majlisi o'tkaziladigan joy, sana va vaqt haqida xabardor qiladi;

- Komissiya qarorlarining ijro etilishi ustidan monitoring olib boradi va uning natijalarini Komissiya majlisida ko'rib chiqish bo'yicha takliflar kiritadi;

- Komissiya majlislari bayonnomalarini rasmiylashtiradi va tasdiqlangan bayonnomalarning Komissiya a'zolari hamda manfaatdor idora va tashkilotlarga yuborilishini ta'minlaydi;

- Komissiyaning samarali ishlashini ta'minlash bo'yicha boshqa choralarni amalga oshiradi.

12. Komissiya a'zolari majlislarda ko'rib chiqiladigan masalalarni muhokama qilish va hal qilishda o'z vakolatini boshqalarga o'tkazish huquqiga ega emas.

Komissiya a'zolari majlisda ishtirok etish imkoni bo'lmagan hollarda, majlis kun tartibidagi masalalar bo'yicha o'z fikrini yozma shaklda yuborishi mumkin. Bunda uning fikri majlisda ko'rib chiqiladi va ovoz berishda hisobga olinadi.

13. Komissiya majlisi uning ish rejasi asosida har chorakda kamida bir marta o'tkaziladi.

Komissiya raisining tashabbusi, shuningdek komissiya a'zolarining uchdan bir qismining yozma murojaati asosida uning navbatdan tashqari majlisi chaqirilishi mumkin.

14. Komissiya majlislariga davlat organlari, xo‘jalik birlashmalari, jamoat tashkilotlari, fuqarolik jamiyati institutlari, ommaviy axborot vositalari vakillari taklif etilishi mumkin.
15. Komissiya majlisi kun tartibining loyihasi Komissiya raisi va a‘zolarining takliflari asosida Komissiya kotibi tomonidan shakllantiriladi.
16. Komissiya majlisi, agar unda Komissiya a‘zolarining kamida yarmi ishtirok etayotgan bo‘lsa, vakolatli hisoblanadi.
17. Komissiya qarori majlisda ishtirok etayotgan Komissiya a‘zolarining oddiy ko‘pchilik ovozi bilan ochiq ovoz berish orqali qabul qilinadi.
18. Komissiyaning har bir a‘zosi qabul qilinayotgan qarorlar bo‘yicha o‘zining fikrini yozma shaklda ifodalashga haqli.
19. Komissiya majlisida qabul qilingan qaror bayonnoma bilan rasmiylashtiriladi.
20. Komissiya majlisi bayonnomasi Komissiya kotibi tomonidan imzolanadi, majlisga raislik qiluvchi tomonidan tasdiqlanadi hamda uch ish kunida Komissiya a‘zolariga va manfaatdor idora va tashkilotlarga yuboriladi.
21. Komissiya raislari har chorak yakunida yuqori turuvchi Komissiyaga o‘z faoliyati to‘g‘risida amalga oshirilgan ishlar, mavjud muammolar va ularni bartaraf etish bo‘yicha takliflardan iborat tahliliy axborot kiritib boradi.

4-bob. Yakunlovchi qoidalar

22. Komissiya faoliyatini moddiy-texnik jihatdan ta‘minlash shahar Oila va xotin-qizlar bo‘limi tomonidan, shuningdek qonun hujjatlarida taqiqlanmagan boshqa manbalar hisobidan amalga oshiriladi.
23. Komissiya faoliyatiga uslubiy jihatdan ko‘maklashish, uning faoliyatini muvofiqlashtirib borish Xotin-qizlarning jamiyatdagi rolini oshirish, gyender tenglik va oila masalalari bo‘yicha respublika komissiyasi tomonidan ta‘minlanadi.
24. Ushbu Nizomga o‘zgartirish va qo‘shimchalar Komissiya qarori bilan kiritiladi.

Xalq deputatlari Kattaqo'rg'on
shahar Kengashining
2022 yil 29 apreldagi
VI-56-87-7-106-K/22-son qaroriga
2-ilova

**Xalq deputatlari Kattaqo'rg'on shahar Kengashi huzuridagi Xotin-qizlarning
jamiyatdagi rolini oshirish, gender tenglik va oila masalalari bo'yicha
komissiyaning
TARKIBI**

1	Alimova Gavhar Zayirovna	Shahar hokimi, Komissiya raisi
2	Kuchkarova Shaxlo Botirovna	Shahar hokimi o'rinbosari-oila va xotin-qizlar bo'limi boshlig'i, Komissiya raisi o'rinbosari
3	Anziratova Dilfuza Kamalovna	Yoshlar siyosati, xotin-qizlar va gender tenglik masalalari bo'yicha doimiy komissiya raisi, shahar kengashi deputati
4	Tilavov Abbos Saydullayevich	Shahar adliya bo'limi bosh maslahatchisi
5	Xalilova Surayyo Sagdiyevna	Shahar Tibbiyot birlashmasi boshlig'i v.b
6	Zaripova Zamira Babaqulovna	Shahar Xalq ta'limi bo'limi Boshlang'ich ta'lim metodisti
7	Ermonova Sayyora	Shahar Madaniyat bo'limi bosh mutaxassisi
8	Nazarov Baxtiyor	Shahar Aholi bandligiga ko'maklashish markazi direktor o'rinbosari
9	Qamariddinov Rustam O'ktam o'g'li	Shahar Iqtisodiy taraqqiyot va kambag'allikni qisqartirish bo'limi bosh mutaxassisi
10	Odilov Odiljon Murodullo o'g'li	Shahar Investitsiyalar va tashqi savdo bo'limi bosh mutaxassisi
11	Mardonov Jasur Xusniddin o'g'li	Shahar prokurori katta yordamchisi
12	Tuyg'unov Uchqun Sayimnazarovich	Yoshlar ishlari agentligi shahar bo'limi
13	Toshmatova Zuxra Farmonovna	Shahar hokimligi Moliya bo'limi murojaatlar bilan ishlash bo'limi inspektori
14	Yakubova Nodira Nadjimovna	AT Xalq banki shahar filiali xotin-qizlar masalalari bo'yicha boshqaruvchi o'rinbosari
15	Yusupova Guzal Azimjonovna	Shahar xotin-qizlar bo'limi yetakchi mutaxassis, Komissiya mas'ul kotibi

Izoh: Shahar xotin-qizlar bo'limi komissiya ishchi organi hisoblanadi.

*Komissiya a'zolari boshqa lavozimga o'tgan taqdirda, uning tarkibiga
ushbu lavozimlarga yangidan tayinlangan yoki ularning vazifalarini bajarish*

yuklatilgan shaxslar kiritiladi.